

भजन बिना कटे बतावेला मुंडो,

दोहा भलो मानुष तन पायके,  
क्यूँ बिसरायो पीव,  
किशनदास भूल्यो फिरे,  
किणके भरोसे जीव ।  
किशनदास संसार हैं,  
कागज का घोड़ा,  
कितरा किया मंडाण पर,  
जीवन हैं थोड़ा ।

भजन बिना कटे बतावेला मुंडो,  
भवसागर ओ भ्रम जळ भरियो,  
नाव लगे नी डूंडों ॥

इमरत छोड़ जहर क्यूँ पीवो,  
ओ काई सूज्यो भूंडो,  
लख चौरासी में जाय पड़ेलो,  
माथे नरक रो कूण्डों,  
भजन बिना कटे बतावेलो मुंडो ॥

जरणी भार मरी जन्मया जद,  
ज्यांरो लगा दियो भुंडो,  
धर्मराय थारो लेखों लेसी,

हाल होजावेला भूंडो,  
भजन बिना कटे बतावेलो मुंडो ॥

गर्भ गडूरी मिली भारजा,  
नार छूटे नी दूढो,  
कर्मो रो हीण कादा माई कळीयो,  
दिन दिन जावे उन्डो,  
भजन बिना कटे बतावेलो मुंडो ॥

करड़ा कौल किया सायब से,  
मुंडो हो के तुन्डो,  
केवे कबीर एक राम भजन बिना,  
जमड़ा कुटेला थारो मुंडो,  
भजन बिना कटे बतावेलो मुंडो ॥

भजन बिना कटे बतावेलो मुंडो,  
भवसागर ओ भ्रम जळ भरियो,  
नाव लगे नी डूंडों ॥

स्वर टीमा बाई जी ।  
प्रेषक रामेश्वर लाल पँवार ।  
आकाशवाणी सिंगर ।  
9785126052



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>